



Ayuntamiento de Ansoáin
Antsoaingo Udala
C.I.F./ I.F.K. P3132500D
Tel.: 948132222
012 - 948012012

Udaletxeko Plaza, 1
Plaza Consistorial, 1
31013 Nafarroa – Navarra
ansoain@ansoain.es
www.ansoain.es

53. ALDIZKARIA 2017ko martxoaren 16a

62. ALDIZKARIA - 2018ko martxoaren 28a (aldaketa)

ORDENANTZA FISKALA, HERRIKO JABARI PUBLIKOKO LURZORUAREN, HEGALKINAREN ETA ZORUPEAREN ERABILERA PRIBATIBOA EDO APROBETXAMENDU BEREZIA EGITEKO TASAK ARAUTZEN DITUENA

10. ORDENANTZA

OINARRIA

1. artikulua. Ordainarazpen hau ezarri da Nafarroako Toki Ogasunei buruzko martxoaren 10eko 2/1995 Legearen lehenbiziko tituluko IV. kapituluko 7. atalean xedatutakoaren arabera, eta lege beraren 12. artikuluan jasotzen den baimenari jarraituz.

ZERGA-EGITATEA

2. artikulua. Zergapeko egintzak dira herriko jabari publikoko lurzoruen, hegalkinaren eta zorupearen erabilera pribatiboak edo aprobetxamendu bereziak, hala nola:

- a) Erabilera publikoko zorupea okupatzea.
- b) Erabilera publikoko lurrak salgai, eraikuntzako material, hondakin, hesi, puntal, euskarri, aldamio edo gisako instalazioen bidez okupatzea.
- c) Pisuetako burdinsareak, lukanak, arnasbideak, ateak, karga-ahoak edo gisako elementuak instalatzea, herriko edozein eremu publikotako lurzorua edo zorupea okupatzen dutenak, soto edo sotoarteei argia, aireztapena, pertsonen sarbidea edo ibilgailuen sarrera eman ahal izateko; halaber, argi-sare publikotik egindako hargunea.
- d) Herriko edozein eremu publikotako hegalkina okupatzea, eraikuntza elementu itxiak, terrazak, behatokiak, balkoiak, markesinak, eguzki-oihalak, haize-babesak edo gisakoak jarritz; orobat, eremu publikoaren gainean dauden edo fatxadaren lerrotik ateratzen diren hegalak, eta balkoi eta terrazak kristalez ixtea.
- e) Toki entitateko eremu publiko edo jabari publikoko bertzelako lurretan edo haien hegalkinean kokatuta dauden hariak, hodiak eta galeriak, argi indarra, ura, gasa edo bertze edozein isurkari eramateko; kableak, horma-besoak, lotura, banaketa edo erregistrorako kaxak, transformadoreak, burni-barrak, baskulak, aldamioak eta gisakoak; eta salmenta automatikorako tresnak eta gisakoak.

- f) Irabazteko xedearekin mahaiak, aulkiak, tribunak, oholtzak edo haien gisako bertzelako elementuak jarriz erabilera publikoko lurra okupatzea.
- g) Eredu publikoan kioskoak paratzea.
- h) Erabilera publikoko lurretan kokatutako postu, barraka, saltoki, ikuskizun, atrakzio eta jolaskizunak jartzea, bai eta kalez kaleko industriak eta zinema filmaketa ere.
- i) Portada, erakusleihu eta beira-arasak.
- j) Erregaiaren biltontziak eta hornigailuak eta, oro har, erabilera publikoko lurretan kokatutako edozein artikulua edo salgai.
- k) Toki entitateko jabari publikoko lurra okupatzen dituzten edo herriko errepide edo eremu publikoetatik ikusgarri diren iragarkiak jartzea.
- l) Lur, eraikin edo hesiei eusteko hormak, behin betikoak zein behin-behinekoak, herriko eremu publikoetan.
- m) Azientza herriko eremu publiko edo jabari publikoko lurretan barna igarotzea.

ORDAINDU BEHARRA

3. artikulua. Ordaindu beharra erabilera pribatiboa edo aprobetxamendu berezia hastean sortzen da, eta aurretik behar den baimena eskatu behar da.

Udalaren nahitaezko lizentzia izan gabe hasten bada erabilera edo aprobetxamendua, ordenantza fiskal honetan ezarritako tasa pagatzeak ez du izandako erabilera edo aprobetxamendua legezkatuko, eta kalte-ordainik eman gabe instalazioak kentzeko agindu daiteke.

Ordenantza honen xede diren erabilera edo aprobetxamenduak tasaren aldizkako sorrarazpena agintzen duten kasuetan, tasa urtero urtarrilaren 1ean sortuko da, eta zerga aldia urte naturala izanen da, salbu eta erabilera pribatiboa edo erabilera berezia urte hartan hasi edo bukatu egin den kasuetan, orduan zerga aldia horren arabera moldatuko baita eta kuota hainbanatuko, hiruhileko naturaletan, barne delarik hasiera edo bukaerakoa, zer behar duen.

ORDAINTZERA BEHARTUAK

4. artikulua. Tasa ordaintzera beharturik daude, zergadunak diren aldetik, pertsona fisiko zein juridikoak eta, nortasun juridikorik ez izanik ere, unitate ekonomikoa edo ondare berezia osatzen duten entitateak, baldin eta, toki entitateko jabari publikoko lurzoru, hegalkin edo zorupearen erabilera pribatiboa edo aprobetxamendu berezia egiten badute, edo hari onura ateratzen badiote.

Eredu publikoan paratzen diren edukiontzien kasuan, lizentziaren titular edo aprobetxamenduz baliatzen direnez gain, zaborrontzien jabeek eta etxegileek ere ordaindu beharko dute.

5. artikulua. Hornidurako zerbitzu publikoak ustiatzen dituzten enpresek lurzoruan, hegalkinean eta zorupean egindako erabilera edo aprobetxamenduen tasak horien gaineko ordenantza fiskalen edo aplikagarri diren udal erabakien menpe egonen dira.

OINARRIAK, TASAK ETA TARIFAK

6. artikulua. Tarifak aplikatzeko oinarria zehaztuko da erabileraren edo aprobetxamenduaren iraupenaren eta okupatutako eremu publikoaren azaleraren arabera.

7. artikulua. Tarifak ordenantza honen eranskinean agertzen dira.

Lizitazio publikoko prozedurak erabiltzen direnean, kontzesioa, baimena edo esleipena zein proposamenentzat egiten den, haren balio ekonomikoaren arabera finkatuko da tasaren zenbatekoa.

KUDEAKETA ARAUAK

8. artikulua. Erabilera pribatiboak edo aprobetxamendu bereziak berekin dakartenean herriko jabari publikoaren suntsiketa edo narriadura, onuraduna aipatu horiek berreraiki edo konpontzeko gastuen kostua ordaintzera beharturik dago, bai eta aurretik zenbateko hori gordailutako uztera ere.

Gordailu hori ukituta gerta daitezkeen ondasun eta instalazio guztien balioaren arabera finkatuko da, hura zenbakietara ekartzeko udalarem txosten teknikoa aitzinetik eginda.

Eremu publikoa edukiontziekin okupatzen bada, eremu publikoan edukiontzia paratzeari buruzko Ordenantzan ezarritako zenbatekoei jarraikiz finkatuko da gordailua.

Indarra duen arautegia edo lizentziaren baldintzak ez betetzeagatik ezarritako zehapenekin lotu daiteke gordailua. Fidantza itzultzeko beharrezkoa izanen da aldez aurreko txostena, non indarra duen arautegia eta lizentziaren baldintzak hertsiki bete eta zoladura behar bezala konpontzen den islatuko baita.

9. artikulua. Erabilera dela eta sortutako kalteak konponezinak badira, onuradunak, desegindako gaiek zenbat balio duten edo kaltetutakoen balio galera norainokoa den, horrenbeste emanen dio ordainetan Udalari. Bereziki konponezintzat hartuko diren kalteak interes artistiko edo historikoa duten monumentuetan eta 20 urte baino gehiagoko zuhaitzetan egindakoak izanen dira.

Lehenik eta behin fidantzek kalte-ordain horiek estaliko dituzte.

10. artikulua. 1. Ordenantza honetan araututako tasei lotutako aprobetxamenduek behar den errolda edo zentsua izanen dute ohikoak eta etengabeak badira. Tasa urtean behin ordaindu beharko da, Ordenantza fiskal orokorrean ezarritako epe eta baldintzetan. Erabilera hastea edo uztea urte naturala hasi ondoan gertatzen bada, tasa hiruhilabetekoetan hainbanaturik eskatuko da.

2. Erabilerak edo aprobetxamenduak lizentziarik behar ez badu, dagokion tasa aitzinetik ordaindu beharko da. Gainerakoetan, likidazioa lizentzia ematean egingen du dagokion bulegoak.

3. "Mahai, aulki eta mahaitxoak" izeneko 1. epigrafeari dagokionez, Udalak baimena osorik balio gabe utzi edo aldi baterako ken dezake, betiere arrazoi bidezko, obra, konponketa eta abarren bat badago, eta kobratutako tasaren zati proportzionala soilik itzultzera behartuta dago.

TARIFEN ERANSKINA

I. epigrafea.–Lurzoruko aprobetxamendu bereziak.

<p>I.1. Mahaiak, aulkiak, mahai hankabakarrak, barrak, eguzkitakoak, itxiturak eta ostalaritzako jardueretako baimendutako haien gisako bestelako elementuak, metro koadroko edo horren zatiki bakoitzeko.</p> <p>1.1.1. Eguzkitakoak, itxiturak edo euskailua duen beste edozein instalazio. Kasu horietan, I.1 azpiepigrafearen arabera aplikatu beharko litzatekeen tarifari %10eko igoera aplikatuko zaio.</p> <p>Lurzoruko aprobetxamendu bereziei 2017. urtean ordenantza honetako I.1.1 eta I.1.2 epigrafeetan ezarritako gehikuntzak ezarri zitzaizkien, eta 2018. urterako aplikatuko zaien hobaria da 2017. urtean luzaturiko ordainagirietan kontzeptu horiengatik aplikatutako gehikuntzaren bestekoa.</p> <p>Era berean, 2017. urteko tasen ordainketa geroratuagatik interesak kobratuko balira, kontzeptu horren pean ordaindutako zenbatekoaren hobaria emango da 2018. urtean</p>	<p style="text-align: center;">Urtean</p>	<p style="text-align: center;">40,50 euro</p>
<p>I.2. Terrazak herriko bestetan, baimendutako espazioarengatik ostalaritzaren arloko irekitze lizentzia duten establezimenduei lotuak, eskatu eta Udaltzaingoak aldeko txostena eman ondoan</p>	<p style="text-align: center;">Herriko besta garaian</p>	<p style="text-align: center;">133,41 euro</p>
<p>I.3. Tabernetako barrak herriko bestetan, ostalaritzarekin lotutako irekitzeko lizentziak dituzten establezimenduei lotutakoak</p>	<p style="text-align: center;">Herriko besta garaian</p>	<p style="text-align: center;">133,41 euro</p>
<p>I.4. Tabernetako barrak herriko bestetan, Antsoaingo Elkartearen Udal Erregistroan inskribaturik dauden kultura eta gizarte entitateei lotuak, eskatu eta justifikatu ondoan</p>	<p style="text-align: center;">Herriko besta garaian</p>	<p style="text-align: center;">133,41euro</p>
<p>I.5. Kioskoak (izozkiak saltzea, eta abar)</p>	<p style="text-align: center;">Maiatzetik urrirako denboraldia</p>	<p style="text-align: center;">308,70 euro</p>
<p>I.6. Kaleko salmenta eta saltoki finkoak (4 m lineal)</p>	<p style="text-align: center;">Herriko bestetan</p>	<p style="text-align: center;">86,69 euro</p>
<p>I.7. Eremu publikora jotzen duten fatxadetan banku entitateek paratutako kutxazainak</p>	<p style="text-align: center;">Kutxazain bakoitzeko, urtean:</p>	<p style="text-align: center;">153 euro</p>
<p>I.8. Kupoiak eta loteriak saltzeko kioskoak eta kabinak</p>	<p style="text-align: center;">Kabina edo kiosko bakoitzeko, urtean</p>	<p style="text-align: center;">64,83 euro</p>
<p>I.9. Eremu publikora jotzen duten fatxadetan saltzeko makinak</p>	<p style="text-align: center;">Saltzeko makina bakoitzeko, urtean</p>	<p style="text-align: center;">64,83 euro</p>

I.10. Haurrendako josteta elementu mugigarriak paratzea	Elementu bakoitzeko, urtean	64,83 euro
I.11. Prentsarako kutxak	Elementu bakoitzeko, urtean	64,83 euro
I.12. Bestelako aprobetxamenduak:		
a) Edukiontzia, aldarmioak, hesiturak eta jarduera ekonomikoa ez den bertze edozer paratzeagatik	10 metro karratu edo zatiki bakoitzeko, egunean	1,54 euro
b) Jarduera ekonomikoetarako aprobetxamenduak erabiltzeagatik	10 metro karratu edo zatiki bakoitzeko, egunean	2,32 euro
I.13. Karabana, atoi eta automobilak ez diren gainerako ibilgailuak, espresuki emandako baimena dutenean, tasa ordaintzeak baimena dagoela esan nahi ez badu ere	Egun edo zatiki bakoitzeko	1,25 euro
II. epigrafea.–Hegalkineko aprobetxamendu bereziak.		
–10 metro karratu edo zatiki bakoitzeko	Egunean	0,78 euro
III. epigrafea.–Zorupeko aprobetxamendu bereziak.		
–Gutxieneko kuota, gas-hornidurako sare nagusien instalazio eta aprobetxamenduengatik	Metro lineala, urtean	7,29 euro
	–Eguna	1,19 euro
–Bestelako aprobetxamenduak, 10 metro karratu edo zatiki bakoitzeko:	–Ezarritako biltontzi bakoitzeko, urtean	1.673,40 euro
IV. epigrafea.–Gutxieneko eskubideak.		
Aurreko epigrafeetan azaldutakoengatik ordaindu beharreko zenbatekoak ondoko kopuruetara iristen ez direnean, ondotik aipatzen diren gutxieneko zenbateko hauek ordainduko dira:	Aldarmioak	57,32 euro
	Hesiak	57,32 euro
	Mahaiak, aulkiak eta beladoreak	57,32 euro
	Bertzelako aprobetxamenduak	57,32 euro